



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADSKO VIJEĆE

Odluka
o davanju saglasnosti gradonačelnici Grada Sarajeva za
davanje na poklon tehničke opreme Gradskim muzejima i Muzeju književnosti i
pozorišne umjetnosti BiH, nabavljene u okviru projekta „IVA”,
finansiranog iz UNESCO fonda
(Prijedlog)

Predlagač: Gradonačelnica
Obrađivač: Gradska služba za održivi razvoj

Sarajevo, oktobar 2024. godine

Adresa: Hamdije Kreševljakovića 3
71 000 Sarajevo
Tel.: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba



Na osnovu člana 31. stav (1) tačka k) Statuta Grada Sarajeva („Službene novine Kantona Sarajevo“, broj 7/23), Gradsko vijeće Grada Sarajeva na __. sjednici održanoj dana __. __. 2024. godine, donijelo je

(Prijedlog)

Odluku
o davanju saglasnosti gradonačelnici Grada Sarajeva za
davanje na poklon tehničke opreme Gradskim muzejima i Muzeju književnosti i
pozorišne umjetnosti BiH, nabavljene u okviru projekta „IVA”,
finansiranog iz UNESCO fonda

Član 1.

Ovom odlukom daje se saglasnost gradonačelnici Grada Sarajeva za poklanjanje tehničke opreme Gradskim muzejima i Muzeju književnosti i pozorišne umjetnosti BiH, nabavljene u okviru projekta „IVA“, finansiranog iz UNESCO fonda.

Član 2.

Tehničku opremu iz člana 1. ove odluke čine dva (2) komada VR naočala, dva (2) laptopa, jedan (1) multifunkcionalni printer sa skenerom i jedan (1) 3D printer.

Član 3.

Tehničku opremu iz člana 1. ove odluke koja se poklanja Gradskim muzejima, u vrijednosti od 8.927,19 KM, čini dva (2) komada VR naočala i jedan (1) 3D printer.

Član 4.

Tehničku opremu iz člana 1. ove odluke koja se poklanja Muzeju književnosti i pozorišne umjetnosti BiH, u vrijednosti od 6.840,99 KM, čini dva (2) laptopa i jedan (1) multifunkcionalni printer sa skenerom.

Član 5.

Ova Odluka stupa na snagu narednog dana od dana objavljivanja u „Službenim novinama Kantona Sarajevo“.

PREDSJEDAVAJUĆI GRADSKOG VIJEĆA

Jasmin Ademović

Broj:
Sarajevo, __. __. 2024. godine

OBRAZLOŽENJE

PRAVNI OSNOV

Pravni osnov za donošenje Odluke sadržan je u članu 31. stav (1) tačka k) Statuta Grada Sarajeva (Službene novine Kantona Sarajevo, broj 7/23) kojima je propisano da Gradsko vijeće upravlja i raspolaže imovinom Grada Sarajeva.

RAZLOZI DONOŠENJA

Projekat „IVA – Inkluzivnost i vidljivost za održivi kulturni razvoj” finansiran je iz fondova tematskog prozora „Zaštita i iskorištavanje kulturne baštine za održivi razvoj“ – UNESCO, u okviru poziva za prijedloge „Kultura i kreativnost za zapadni Balkan“ (CC4WBs). Ovo je prekogranični projekat sa Crnom Gorom, a partneri na projektu su Muzej književnosti i pozorišne umjetnosti BiH, Historijski muzej BiH, JU Gradski muzeji Sarajevo, Grad Podgorica, kao i Muzeji i galerije Podgorice.

Projekat predviđa institucionalno umrežavanje za inkluziju kulturno-historijskog naslijeđa Bosne i Hercegovine i Crne Gore, aktivnosti kroz edukaciju i opremanje pomenutih muzeja, te dizajniranje inovativnih muzejskih suvenira i opremanje prostora za prodaju istih.

Vrijednost projekta je 94,854.00 EUR/185.518,30 KM, od čega za aktivnosti Grada Sarajeva kao vodećeg partnera otpada blizu 110.000 KM. Trajanje projekta je predviđeno do kraja oktobra 2024. godine.

Jedna od aktivnosti na projektu je i nabavka tehničke opreme za potrebe Muzeja književnosti i pozorišne umjetnosti i JU „Gradski muzeji” Sarajevo, u ukupnom iznosu od 15.768,09 KM.

Tehničku opremu koja se poklanja JU „Gradski muzeji” čine VR naočale Meta Quest 3 512GB + 5M Meta Quest link cable USB-C (dva komada) i PRINTER 3D ORIGINAL PRUSA MK4+ Filament, dok drugi dio tehničke opreme – laptop DELL VOSTRO 3520 i7-1255U 8GB-SSD FHD 15.6” 120Hz NoOs 3y (dva komada) te KOPIR CANON imageRunner 2425i Bundle, bit će poklonjena Muzeju književnosti i pozorišne umjetnosti.

Kako se radi o stalnim sredstvima Grada Sarajeva, potrebna je saglasnost Gradskog vijeća Grada Sarajeva za poklanjanje tehničke opreme pomenutim muzejima, a u skladu sa projektnim prijedlogom i dinamikom projekta.

FINANSIJSKA SREDSTVA

Za provođenje ove odluke nisu potrebna finansijska sredstva.